

Neapolí secus Zarbo, saluto in domino. Intende etiã pudicissimæ Mariæ filix meæ, quæ est abũde doctissima. & ei quæ in domo eius, ecclesiæ, quæ facta est mihi pro anima mea exemplũ pijsimarũ mulierum. Sanum te & in omiũ probabilem, pater Christi x̄uo longiore per ipsum unigenitũ suum custodiat, ad utilitatem ecclesiæ. Incolumis in domino ora pro me, ut consumem. Amen.

AD EPHESIOS DE VNITATE  
ex Smyrna. Epist. X.



Ignatius q̄ & Theophorus, benedictæ magnitudine repletæ dei patris, & predestinatæ ante secula, ut sit semp in singulari gloria inconuertibilis, & adunata, & electa in passione uera, in uoluntate dei patris & domini nostri Iesu Christi saluatoris, ecclesiæ beatitudine dignæ, q̄ est Ephesi in Asia plurimã in Christo Iesu & in maculato gaudio salutẽ. Suscepi uestrũ in dño multũ desyderabile nomen, quod possidetis natura. iusta secũdũ fidem & dilectionẽ in Christo Iesu saluatore nostro. cũ sitis imitatores humanitatis dei, ut uiuificati in sanguine Christi, regenerationis charitatis geminũ opus cõsummate, audiẽtes me de Syria uinctũ pro Christo, spe cõmuni cõfidentem orationibus uestris, ut merear Romæ bestijs dimicare. ut per martyrium possim discipulus eius esse, qui



qui pro nobis seipsum obtulit deo hostiam & oblationē, in odorem bonę suauitatis. Quoniam ergo suscepti multitudinē in nomine domini Christi in Onesymo dilecto scriptore nostro, uestro autē episcopo, obsecro eū secundū Iesum Christū diligere uos. & uos omēs in cōcordia eius in ipso esse. Benedictus em̄ deus, qui uobis talibus talem episcopū donauit habere in Christo. pro conseruo nostro autē Burro, secundū deū diacono uestro, & in om̄ibus benedicto deprecor permanere eū immaculatū in honore ecclesię, & beatissimi episcopi uestri. Crocus uero deo dignus, quē tāq̄ exemplar dilectionis uestrę suscepi, in om̄ibus me refecit, & catenā meā non erubuit, simul cum Honeliphoro & Burro, & Euplo, & Phrontone, quib⁹ refrigeret pater dñi nostri Iesu Christi. per quē uos omēs in dilectione habui. Acquisiui uos in omnibus, si quidē dignus fuero dignū est em̄ oibus modis uos glorificare Iesum Christū, qui uos glorificauit, ut in una pfectione pfecti sitis, in eodē sensu, & in eadem sentētia. ut idipsum dicatis oēs de eo ipso, ut subiecti episcopo & presbyteris secundū om̄ia sanctificati. Nō precipio uobis, q̄si aliqs sim. Et si quidem uinctus sum pro nomine Iesu Christi, tamen nec dum consummaui. Nunc enim initium habeo eruditionis, & alloquor uos tanquam conseruos. Me autem oportebat a uobis commoneri fide, monitione, patientia, longanimitate, quoniam dilectio non permittit me tacere de uobis.

Propter



Propterea præueni rogari uos, ut concurratis dispositioni dei, quia & Iesus Christus omnia secundum dispositionem patris agit. sicut & ipse in quodam loco dicit. Ego quæ placita sunt ei facio semp. Ergo & nos oportet secundum dispositionem dei uiuere in Christo, et æmulari secundum quod Paulus ait. Imitatores mei estote, sicut & ego Christi. Vnde & uos decet dispositionem pastorum sequi, qui secundum deum uos pascunt quod etiam ipsi facitis sapienter a spiritu sancto instructi. Illud ergo digne nominandum, et deo dignum presbyterium, ita coaptatum sit episcopo, quomodo chordæ in cithara colligatur. ita et ipsi in concordia et consona dilectione, cuius dux et custos est Iesus Christus. Et qui sunt sigillatim omnes unus chorus fiant, ut consonantes facti in unitate, coniunctionem domini in similitudinem morum recipientes. in unitate unum effecti consensu, deo patri & dilectissimo filio eius Iesu Christo domino nostro, secundum quod ipse patrem rogans dicit. Da illis pater sancte, ut sicut ego & tu unum sumus ita & hi in nobis unum sint. Vtile est enim uos sine macula in unitate coniunctos deo imitatores esse Christi, cuius et membra estis. Si ego in paruo tempore talem consuetudinem habui circa episcopum uestrum, que non humana sed spiritualis fuit, quanto magis uos beatifico qui pendetis ad eum, quo modo ecclesia ad dominum Iesum, & ipse dominus ad deum patrem suum, ut in unitate omnia sibi consonantia sint. nemo oberet.



ret. Si quis non fuerit intra altare, fraudabitur pane dei. Si enim unius aut duorum oratio tantā habet uirtutem, ut Christus in eis consistat, quanto magis sacerdotis & sancti populi supplicatio cōsonanter ascendens ad deum, persuadet præstare eis omnes petitiones in Christo. Qui ergo a talibus separatur, & nō cōuenerit in congregatione sacrificiorum ecclesiæ primogenitorum descriptorum in cœlo, lupo est in grege ouium, mansuetam demonstrans figuram. Festinate ergo dilectissimi, subditi esse episcopo, & presbyteris, & diaconis. Qui enim istis subditus fuerit, Christo obedit, qui eis hoc concessit. Qui uero eis non cōsenserit, Iesu Christo non cōsentit. Qui autem filio nō consenserit, non uidebit uitam, sed ira dei manebit super eum. huiusmodi ergo temerarius & horribilis & superbus, qui non est subditus potioribus. Superbis enim, inquit, deus resistit, humilibus autem dat gratiam. Et iterum, Superbi inique gesserunt usquequaq̃. Dicit etiam dominus sacerdotibus. Qui em̄ uos audit, me audit, & qui me audierit, audiet illum qui me misit. & qui uos spernit, me spernit, & qui me spernit, spernit eum qui me misit. Quando enim uidetis tacere episcopum, plus eum timete. Omnem itaq̃ quem mittit pater familias p̃ sua dispensatione, sic nos oportet suscipere, quemadmodum ipsum qui mittit. Ergo episcopum manifeste sicut ipsum dominū oportet cōtemplari, domino assistentem. prospectorem enim ue-

K rum



rum, & acutum in operibus suis, regibus oportet assistere, & non assistere hominibus infirmis. Ipse enim Honesymus laudat uestram dispensationem, quia omnes secundum deum uiuatis, & quia nulla hæresis inter uos habitat, sed nec obeditis alicui, nisi Iesu christo uero pastori, & doctori. & estis quemadmodum Paulus uobis scripsit, unum corpus & unus spiritus, quoniam in una spe fidei conclusi estis. unus enim dominus, una fides, unum baptisma, unus deus & pater omnium, qui super omnes, & per omnia, & in omnibus. uos ergo estote tales, qui a tali eruditi estis, hoc est a Paulo Christifero & Timotheo. Quidam autem fallaces consueuerunt dolo maligno nomen Christi circumportare. Sed aliquanta indigna deo agentes, & contra doctrinam Christi sapientes, ad interitum suum sibi metipsis consentiunt, quos oportet uos tanquam bestias declinare. Iustus, inquit, declinans, euadet interitum. extraneus etenim atque alienus erit ab impiorum perditione. Sunt igitur canes muti, non ualentes latrare, rabidi occulte. quos obseruare oportet, in sanabilem languorem habentes. Medicus autem noster est solus uerus deus ingenitus, & inuisibilis dominus omnium, unigeniti pater & genitor. Habemus autem medicum etiam dominum nostrum Iesum christum, ante secula filium unigenitum, & in principio uerbum, postea uero & hominem ex Maria uirgine. uerbum enim inquit, caro factum est. Incorporalis in corpore



pore, impassibilis in corpore passibili, immortalis in corpore mortali. uita in corruptione, ut de corruptione et morte liberet animas nostras, et sanet eas infusas morbo impietatis et iniquis desideris. Nullus ergo uestrum seducatur, quod et de uobis confido. homines etenim estis. Quando etenim nihil in uobis fuerit, quod uos potuerit coinquinare & tormentum superinducere, secundum deum uiuetis. et erit Christi subiectio uestra, et ecclesie Ephesiorum quae est auxiliatrix, et multum amabilis. Carnales enim spiritualia non possunt agere, neque spirituales carnalia. sicut nec fides, ea quae sunt infidelitatis. neque infidelitas, ea quae sunt fidei. Vos ergo repleti spiritu sancto, nihil carnale, sed omnia spiritualia agite. unusquisque uestrum perfectus sit in Christo Iesu, qui est saluator omnium hominum, maxime fidelium. Agnouit enim aliquos ex uobis a uia ueritatis discedentes, malam doctrinam habere alieni & nequissimi spiritus. Quibus non tribuistis secus uiam seminare zizania, obturantes aures ad non suscipiendum errorem, qui ab ipsis est praedicatus, scientes quia huiusmodi spiritus est erroris, non ea quae sunt Christi, sed sua loquens, falso loquens eternum est. Sanctus autem spiritus non sua propria loquitur, sed ea quae sunt Christi. neque Christus sua nunciat. Sermo, inquit, quem audistis non meus, sed eius qui me misit. de spiritu sancto dicit. Non enim loquetur a se, sed quaecumque audierit a me. De se autem patri. Ego

K ij te glo



te glorificaui sup terrā, opus perfecī quod dedisti mihi ut facerē, manifestaui nomen tuū hominibus. De spiritu sancto ait. Ille me glorificabit sup terram, qui de meo accipiet, & annūciabit uobis. Ergo uterq; eorū ipsum glorificat, a quo et accepit quod faceret, et ipsum prædicat, atq; eius uerba pronunciat. Erroris autē spiritus seipsum prædicat, sua prophetia dicēs. sibi placens etenim est, & seipsum glorificat. acerbus nāq; est plenus existens falsiloquio, seductor, lubricus, superbus, arrogans, uerbosus, dissonus, immensuratus, nigriformis, tumidus. De cuius operationibus liberauit nos Iesus Christus, fundans nos sup petrā tāq; lapides electos (qui apti sunt ad ædificium dei patris eleuati in altū a Christo, qui p nobis crucifixus est) cōfortatos spiritu sancto in fide introductos, in spe & dilectione eleuatos a terra in cœlū, ambulātes immaculate. Beati enim immaculati in uia, qui ambulant in lege dñi. Via enim sine errore est Iesus christus, sicut ipse ait, Ego sum uia, ueritas & uita. deducit autē hæc uia ad patrem. Nemo enim, inquit, ueniet ad patrē, nisi per me. Beati ergo estis uos deiferi, Christiferi, spiritiferi, sanctiferi, templiferi, in omnibus ornati in mā datis Iesu Christi, regnū sacerdotale, gens sancta, populus in acquisitionē. In quibus exultās, dignus effectus sum p quos scribo, alloqui sanctos q sunt Ephesi fideles in Christo Iesu. Gaudeo enim in uobis, quia uanitati non intenditis, neq; ea quæ secundū carnem sunt



sunt diligitis, sed ea quæ secundū deū sunt. Sed p̄ aliis hominibus orate indefinenter. Est enim in illis spes ut deū mereantur adipisci. Nunquid qui cadit, inquit Hieremias, non adiciet ut resurgat, aut qui auertitur non conuertetur? Conuertimini ergo ad doctrinam, estote ministri dei, & os Christi. dicit em̄ deus. Si ad duxeritis pretiosum ab indigno, os meū eritis. Estote ergo ad iracundias eorū humiles, renunciate blasphemijs eorū. uos uero orationi instate. illis errantibus, uos stabiles estote, radicati in fide. Vincite eorū ferocem cōsuetudinē per uestrā mansuetudinē, & iracundiā per lenitatē. Beati enim, inquit, mites. Nam & Moses mansuetus supra oēs fuit, & Dauid mitis ualde. propter quod Paulus monet dicens. Seruū autem domini nō oportet litigare, sed mitem esse ad oēs, docibile, patientem, cū omni modestia corripientē eos qui resistunt ueritati. Nolite festinare, ulcisci uolētes uos. Si reddidī, retribuentibus mihi mala, fratres eos faciamus per mansuetudinē. dicite itaq; his qui oderunt uos, fratres nostri estis, ut nomen dñi glorificet̄. Imitemur scilicet dominū, qui cū malediceretur non maledicebat, cū pateretur non cōminabatur, cum crucifigeretur non contradicebat, sed p̄ inimicis suis orabat dicens. Pater dimitte illis, quia nesciunt quid faciunt. Cui plus nocetur, ampliora sustineat. Beatus qui abiectus & reprobatus fuerit propter nomen domini ipse etenim uer⁹ est Christi. Videte ne herba diabo-



li inueniatur in uobis, amara etenim est & falsa. Ergo sobrii estote, & casti in Christo Iesu. iam enim nouissima tempora sunt. Reuereamur & timeamus logarithmicam dei, & non simus diuitiarum aut utilitatum rerum appetitores. Futuram iracundiam plus timeamus, quam presentem gratiam diligamus. Præsens enim gratia est ut inueniamur in Christo Iesu, & in ueritate uiuamus. Extra hoc autem, nec respirare oportet aliquando. Hæc est enim spes mea, hæc exultatio, hæc denique indeficientes diuitiarum. In quo & uincula mea a Syria Romam usque suffero, spirituales margaritas. in quibus mihi contingat consummari orationibus uestris. participem passionum Christi, communem & mortis eius fieri, & a mortuis resurrectionis & uitæ æternæ, quam mihi contingat percipere, ut in sorte Ephesiorum christianorum inueniar. Qui & cum apostolis semper conuersati sunt in uirtute Iesu Christi, Paulo, Iohanne, & Timotheo fidelissimo. Scio qui sunt, & quibus scribo. Ego itaque minimus sum & supplex sub periculis & iudicijs & longe constitutus, uos uero consecuti estis misericordiam, firmi in Christo. Traditus sum autem propter deum generi interfectorum, a sanguine Abel iusti ad sanguinem Ignatii minimi. Pauli enim sancti estis cõministri, & testimoniũ consummatis eius, qui est uas electionis. Sub uestigia eius merear inueniri, & ceterorum sanctorum, quoniam Iesum Christum meruero adipisci. qui semper in suis orationibus memor sit uestri. Festinate ergo frequenter accede



cedere ad eucharistiã & gloriã dei. Quando enim as-  
sidue hoc ipsum agitur, expelluntur potestates Sata-  
næ, qui actus suos cõuertit in sagittas ignitas ad pec-  
catũ. uestra aut cõcordia & cõsonans fides, ipsius est  
interitus, & cõsentaneis eius tormentũ. Nihil em me-  
lius est quã pacẽ habere, in qua oẽ telũ euacuatur, æ-  
riorũ & terrestriũ spiritũ. Non est nobis colluctatio  
aduersus carnẽ & sanguinẽ, sed aduersus principatũ  
& potestates, aduersus mũdi rectores tenebrarũ ha-  
rũ, aduersus spiritualia nequitie in cõlestibus. Ergo  
 nolite uos uulnerare in aliqua cõtagione diaboli, si-  
cuti & Paulus dicit, habentes in Christũ fidẽ et dile-  
ctionẽ, quæ est principiũ uitæ et finis. Principiũ qui-  
dẽ uitæ est fides. finis uero eius est dilectio. Ambæ ue-  
ro simul iũctæ in unitate factæ, hominẽ dei pficiunt.  
Sed & reliqua oĩa, quæ in beniuolẽtia sequuntur, con-  
summant. Nemo em fidẽ annũcians debet peccare, ne-  
q; dilectionẽ possidẽs, debet fratrẽ suũ odire. Qui em  
dixit, Diliges dñm deum tuũ ex toto corde tuo, ipse  
ites ait, & pximũ tuũ sicut teipsum. Qui em annunci-  
ant esse Christũ, non ex his quæ dicunt tantũmodo,  
sed ex ijs quæ agunt agnoscũtur. Ex fructu em arbor  
cognoscitur. Melius est eũ igitur tacere & esse, q̃ dice-  
re & nõ esse. qa nõ in uerbo est regnũ dei, sed in uirtu-  
te. Corde ei creditur ad iustitiã, oris aut cõfessio fit ad  
salutẽ. Bonũ est igit docere, sed si fecerit ea q̃ dixerit.  
Qui docuerit & fecerit, hic magnº uocabitur i regno  
coeloru.



Dominus aut noster & deus Iesus Christus, qui est  
 filius dei uiui, primo uidelicet fecit, & sic docuit, sicut  
 testatur Lucas, cuius laus est in euangelio per oēs ec-  
 clesias. Nihil enim latet dominū, sed etiā occulta nos-  
 tra corā ipso sunt. Omnia ergo faciamus tāquā ipso  
 in nobis habitante, ut simus eius templa, & ipse har-  
 bitet in nobis, dñs itaq; Christus in nobis loquatur,  
 sicut & in Paulo spiritus sanctus, nos doceat quæ sunt  
 Christi respondere. Adiuncti illi, nolite errare fratres  
 mei. & ne sitis masculorū cōcubitores, quia huiusmo-  
 di regnū dei non possidebunt. Qui enim habitacula  
 corrumpunt, mortī condemnabuntur. quō nō magis  
 qui Christi doctrinā dirumpere conātur, sempiternā  
 damnationē percipient, ppter crucē & mortē, quam  
 sustinuit dominus Iesus unigenitus dei filius. Cuius  
 doctrinā quicumq; deprauauerit, abiectus & pollut⁹  
 in geennam projicietur. Similiter aut & omnis homo  
 qui spernet quod a deo accepit, condemnabitur. Qui  
 imperitū pastorē secutus fuerit, & falsam gloriam tā-  
 quā uerā susceperit, particeps Christi non esse poterit  
 Quæ enim societas luci cū tenebris, aut Christo cum  
 Belial; aut quæ pars fidei cū infidei, aut tēplo dei cū  
 idolis. Dico aut & ego, quæ cōicatio ueritati ad men-  
 daciū; aut quæ societas iustitiæ cū iniustitiā; aut ue-  
 ræ gloriæ cū falsa gloria; propterea unguentum acce-  
 pit deus in capite ait ecclesia, ut fragret in corruptio-  
 ne. Vnguentū enim exinanitū nomen tuū, propterea  
 adole



adolescentulæ dilexerūt te, attraxerūt te narib⁹, post te in odorē ungentorū tuorū curremus. Nō ungatur quis foetore huius seculi. sancta dei ecclesia nō captiuetur ab astutia illius, sicut mulier prima Eua. Qua ppter cū sim⁹ rationabiles, nō efficiamur stulti. Quare plantationē quā a deo p Christū accepimus, non custodimus, sed in iudiciū p ignorantia incidim⁹. ignorantes gratiā quā accepimus, & nescientes perimus. quia Christi cruz infidelibus quidē scandalū, fidelibus autē salus & uita eterna. Vbi sapiēs, ubi scriba, ubi cōquisitor, ubi exultatio dictorū: filius autē dei (q ante secula natus est, & oīa dispositione patris constituit) ipse in utero portatus est a Maria, secūdū dei dispositionē ex semine Dauid & spiritu sancto. Ecce em̄, inquit, uirgo in utero cōcipiet & pariet filiū, & uocabitur nomē eius Emanuel. Ipse em̄ baptisatus est a Ioāne, ut fidelē faceret ordinationē, quæ tradita est pphe-tis a deo. & latuit principē hui⁹ seculi uirginitas Mariæ, & partus eius sifr, & mors dñi. Tria mysteria clamaui in silentio, dei em̄ opa nobis manifestata sunt. Stella in cœlo fulsit sup oēs, quæ ante ipsam erant. Et lux eius inextimabilis & noua, atq; pegrina apparuit uidentibus eā. Cætera uero sydera simul cū sole & luna, corusca facta sunt illi stellæ, illa uero supabat omnes splendore suo. Et facta est perturbatio, unde fuisset illa nouitas, quæ apparuerat. hinc hæbetata est sapientia huius mundi, iniquitas & malitia extermina-

Stella saluatoris.

L ban



bantur, maleficia adnullabantur, magica deridebantur, tenebrae & ignorantiae dissipabantur, & tyranni principatus abolebantur, deo ut hoīe apparēte, & homine sicut deo operāte. Sed neq; primo gloria, neq; secundo puritas, sed illa ueritas & cōuersatio principatū accepit a deo. Perfecta oīa in illo cōstabāt, propter qđ meditatus est mortis solutionē. State ergo fratres firmi in fide Iesu christi, & in dilectione eius, atq; resurrectione oēs. in oībus em̄ ijs gratia. In eius noīe cōgregamini cōiter, in una fide dei patris, & Christi filij eius unigeniti & primogeniti totius creationis, secundū carnē quidē ex genere Dauid. eruditi a paracleto, obediētes episcopo & p̄sbytero imp̄uaricabili sensu. frangētes panē qui est medicamentū immortalitatis antidotū nō moriendi sed uiuēdi p̄ Iesum christū in deo. catharticū expellēs malū sit in uobis. Pro aīab<sup>9</sup> uestris ego efficiar, & eius quē misistis in honorē dñi ad Smyrnā, unde & scribo uobis, gratias agens dño, diligēs Polycarpū, quō & uos. Memores estote mei, sicut & uestri Iesus christus, q̄ est benedict<sup>9</sup> in secula. Orate p̄ ecclesia Antiochensiu, q̄ in Syria est, unde & uinctus ducor Romā. q̄ sum ultimus illorū fideiū, unde sum ultimus ego, dignusq; effectus in honorē dei has sufferre catenas. Incolumes estote in deo patre & dño Iesu Christo, cōi spe in spūsancto. Amen.

De cōione  
panis uitæ.

AD RHOMANOS DE SMYRNA PER  
Ephesios.      Epistola    XI

Igna